

Dags eftirlits	8.5.2024	Ábyrgðarmaður eftirlits	Guðbjörg Stella
Fyrirtæki	Gallon ehf.	Eftirlitsmaður	Guðbjörg Stella
Heimili	Borgartún 26	Tegund eftirlits	Reglubundið
Kennitala	630921	Flokkur	Olía
Fulltrúi fyrirtækis	Steinar Guðnason	ÍSAT nr.	51.51.0
Fulltrúi fyrirtækis		Staðsetning	356932,537 409711,484

## Niðurstaða eftirlits

Eitt frávik frá kröfum starfsleyfis kom fram við eftirlit er varðar að þrýstiprófanir fóru ekki fram innan tímaramma starfsleyfis og ein ábending var sett fram vegna rusls sem safnast hefur upp meðfram girðingu við geymslusvæði við suðurenda stöðvarinnar.

## Umfang eftirlits

Eftirlitið fór fram með vísan í 57. gr. reglugerðar nr. 550/2018 um losun frá atvinnurekstri og mengunarvarnaeftirlit. Um er að ræða olíubirgðastöð rekstraraðila að Hólmaslóð í Örfirisey, Reykjavík. Starfsleyfið tekur til geymslu á allt að 9.000 m<sup>3</sup> af olíu í stærsta geymi og allt að 9.000 m<sup>3</sup> af bensíni í stærsta bensingeymi. Þá er heimil móttaka á úrgangsolíu.

### Boðað umfang eftirlitsins var eftirfarandi:

- Farið yfir stöðuna frá síðasta eftirliti
- Áhættumat til ákvörðunar á tíðni eftirlitsferða.
- Farið yfir starfsleyfið og minnt á skil skv. því
- Eftirlitsmælingar og skráningar
- Áætlanir og viðbrögð – uppfærslur áætlana, trygginga o.fl.
- Umgengni og aðkoma lóðar
- Geymsla og meðhöndlun hættulegra efna
- Skoðunarferð
- Önnur mál

Farið var yfir starfsleyfið og minnt á skiladaga skv. því. Engin frávik frá kröfum starfsleyfis komu fram í síðasta eftirliti en tvær ábendingar voru settar fram er varða að bæta þarf inn lið á þjálfunarplan rekstraraðila varðandi viðbrögð og meðferð hættulegra efna og að niðurstöður mælinga úr gufuendurnýtingarbúnaði voru ekki framsettar á því formi sem starfsleyfið kveður á um. Brugðist hefur verið við þeim ábendingum með fullnægjandi hætti. Starfsleyfið gildir til 31. janúar 2024. Rekstraraðili hefur sótt um nýtt starfsleyfi og er það í vinnslu hjá Umhverfisstofnun. Hefur eldra starfsleyfi verið framlengt þar til nýtt leyfi hefur verið gefið út, eða til 31. janúar 2025.

Áhættumat 2024 til ákvörðunar á tíðni eftirlits skv. 57. gr. reglugerðar nr. 550/2018 um losun frá atvinnurekstri og mengunarvarnaeftirlit, fylgdi fundarboði eftirlits og var það uppfært miðað við núverandi stöðu að eftirliti loknu. Engar breytingar hafa orðið á rekstrinum frá síðasta eftirliti og engar breytingar eru fyrirhugaðar er varða starfsleyfi rekstraraðila. Umfangið er álíka og verið hefur.

Tólf löndunar- og afgreiðslulagnir eru í stöðinni. Voru þær allar prófaðar árið 2018 og átti því að prófa þær allar árið 2023 skv. gr. 3.2 í starfsleyfi. Fjórar löndunarlagnir voru þrýstiprófaðar í desember 2023 en aðrar lagnir ekki fyrir en í jan. og feb. 2024. Því er sett frávik þar um. Svartolíulögn nr. P101225 féll í prófuninni og hefur verið tekin úr notkun. Minnt er á að óheimilt er að nota lögnina fyrir en fullnægjandi viðgerð og ný þrýstiprófun hefur farið fram, en að sögn rekstraraðila verður lögnin alfarið tekin úr notkun.

14 geymar eru í stöðinni. Skv. gr. 3.2 í starfsleyfi skal þykktarmæla alla geyma á 10 ára fresti. Allir geymarnir hafa verið þykktarmældir á síðustu 10 árum, fyrir utan geymi merktur 030-B209. Hann stendur tómur og ekki er fyrirhugað að hann fari aftur í notkun á næstunni. Bent er á að óheimilt er að taka geyminn aftur til notkunar fyrir en búið er að þykktarmæla hann og notkun hans verið heimiluð af eftirlitsaðila. Geymir merktur 030-B202 var þykktarmældur í janúar 2024 og áframhaldandi notkun á honum samþykkt. Næstu þykktarmælingar á geymum skal gera árið 2026, á alls 3 geymum en að sögn rekstraraðila er jafnvel stefnt að þykktarmælingum fyrir á þeim geymum.

Bensín er geymt í stöðinni og samkvæmt 3. gr. reglugerðar nr. 252/1999, um varnir við losun rokkgjarnra lífrænna efnasambanda (VOC), er gufuendurnýtingabúnaður í stöðinni. Skál meðalstyrkur bensíngufu í útblæstri hans ekki fara yfir 35 g/Nm<sup>3</sup> á klst skv. gr. 2.1 í starfsleyfi. Búnaðurinn var þjónustaður og mælingar gerðar daganna 2.-3. október 2023. Voru þær mælingar innan marka starfsleyfis eða < 5 g/Nm<sup>3</sup>.

Undantöppun geyma er sett í olfuskilju. Olfuskiljur stöðvarinnar eru sameiginlegar með Olíudreifingu ehf., en sér rekstraraðili um þjónustu þeirra og hreinsun. Fimm olfuskiljur eru í frárennsli stöðvanna ásamt tveimur milliskiljum, allar endaskiljurnar eru með sjálfvirkum skynjurum í frárennsli tengdum öryggiskerfum stöðvanna. Skynjarar eru prófaðir að meðaltali á 3ja mánaða fresti. Allar skiljur eru tæmdar og hreinsaðar einu sinni á ári en skilja nr. 7 er þó hreinsuð oftara enda meira olúalag á henni. Hún var síðast tæmd þann 22. ágúst sl. af Hreinsitækni ehf. Olíupróf var gert á frárennsli úr skiljunum þann 24. október sl. með Macherey-Nagel strimlum og stóðust þær prófið.

Farið var yfir skráningar í rekstrarhandbók sem og önnur skjöl sem þar voru og ekki gerðar athugasemdir þar um.

Starfsleyfi, áhættumat vegna starfseminnar, viðbragðsáætlun, neyðaráætlun, verklagsreglur um löndun, aðgerðaáætlun, öryggisblöð skv. REACH og skráningar eru vistaðar í rafrænni rekstrarhandbók sem og útprentað í rekstrarhandbók sem aðgengleg er í stöðinni. Teikning af stöðinni, flæðirit og viðbragðsáætlun var sýnilegt upp á vegg í starfsstöð. Áhættumat og viðbragðsáætlun vegna bráðamengunar hafs og stranda liggur fyrir og uppfært tryggingaskírteini fyrir tryggingu vegna bráðamengunar hafs og stranda skv. 16. gr. laga nr. 33/2004 um varnir gegn mengun hafs og stranda hefur verið sent til eftirlitsaðila.

Olíublautur úrgangur er sóttur af Íslenska gámafélaginu en annar úrgangur er flokkaður og sóttur af sorphirðu sveitarfélagsins. Rætt var um förgun spilliefna og þá stöðu sem gæti komið upp hjá spilliefnamóttökunum að ekki verði tekið við spilliefnum til förgunar s.s. úrgangi úr olfuskiljum, þar sem förgunarleiðir eru takmarkaðar við brennslu eða útflutning.

Gengið var um stöðina, þrær og geymar skoðaðir og var stöðin snyrtileg á að líta fyrir utan rusl sem safnast hefur saman inn á lóð stöðvarinnar, meðfram girðingu við sameiginlegt geymslusvæði stöðvanna. Sett er fram ábending um að fjarlægja það rusl og koma í réttan farveg. Gengið var niður á Eyjagarð og löndunaraðstaða skoðuð. Búið er að kaupa nýjar mengunarvarnargirðingar en á eftir að koma þeim fyrir á bryggjunni. Engar ábendingar settar fram þar um. Girðingar um stöðina eru heilar og hlið voru læst þegar að var komið.

#### Frávik frá

Gr. 3.2 í starfsleyfi

#### Lýsing á fráviki


Þrýstiprófa skal lagnir á 5 ára fresti. Allar 12 lagnirnar í stöðinni voru þrýstiprófaðar árið 2018 og átti því að prófa þær aftur árið 2023. Átta lagnir voru ekki þrýstiprófaðar fyrr en í janúar og febrúar 2024 og er það því frávik.

Ábending er sett fram um að hreinsa þurfi rusl sem safnast hefur upp á lóðinni, meðfram girðingu við sameiginlegt geymslusvæði, sunnan við geymasvæði.

## **Annað**

Engin mengunaráhöpp eða kvartanir eru skráðar, hvorki hjá rekstraraðila né eftirlitsaðila, frá því að síðasta eftirlit fór fram árið 2023.

Reykjavík, 04.06.2024



Guðbjörg Stella Árnadóttir

1 Frávik: Framkvæmd telst ekki í samræmi við kröfur sem settar eru fram í starfsleyfi, lögum eða reglugerðum.

2 Athugasemd: Ástand sem eftirlitsmaður telur vert að vekja athygli á í þágu heilsuverndar, umhverfisverndar og öryggis en sem ekki geta



